

四明叢書第三集跋

約園編四明叢書二集成余既續爲之跋矣茲復以三集相示二集注重忠孝節義固煌煌大文也而三集則注重經學所編宋高閔春秋集註史浩尚書講義楊簡慈湖詩傳張辰月令解袁甫蒙齋中庸講義明董守諭讀易一鈔易餘等書皆經籍之粹然可觀者而最闕典要莫如慈湖所撰先聖大訓六卷其書自論語孝經易春秋之外而於家語庸孟戴記孔叢子悉爲采集編次而注之糾正僞妄刊落瑣屑獨具精心夫孔子固嘗問

四明叢書第三集跋

一四明叢書
約園刊本

禮老聃矣而猶龍之譽第出莊子之所傳述其餘假託聖言與大聖口吻絕不相類大抵皆莊子以意爲之也而老子之道德經絕智棄聖之言別有絃外之音初非一味唐突也且柳下惠仕於魯僖公季年而孔子則生於魯襄公二十三年時代先後顯然不同莊子盜跖一篇豈不大繆然莊子固明明託爲寓言也而家語孔叢子則又何說哉後之治經者懵然援引且文人喜新遂珍爲僻典而采用之謬種流傳禍豈有艾秦火以後聖域積漸榛蕪垂三千年慈湖起而廓清之尼山之真而

目復發明於千載後其功豈在禹下哉約園嘗謂文人著述表前人之遺行使前人藉我而得以不朽者我亦藉前人而附以不朽大聖之不朽無待於慈湖之有此書而慈湖之爲此書固將附之不朽然則約園刊慈湖之書亦將附慈湖而不朽乎然而約園未必任受也但爲數千年之文人破此聾瞶亦大快於心耳其餘如宋樓鑰范文正年譜宋桂萬榮棠陰比事元舒天民六藝綱目明烏斯道春草齋集黃潤玉海涵萬象錄清萬斯同儒林宗派以及郡邑志乘水利諸書雖不必盡與經學有關而學以治己教以治人經國體野以爲民極約園考獻徵文博采兼收猶初志也故不復贅論云乙亥夏日古閩何剛德拜跋

四明叢書第三集後序

約園主人既輯四明叢書凡三集歷四年客進而言曰
子冠任子第一集曰學以治己先也書廿四種人二十
賢金不奪重石不奪堅文章婉縟逸老游仙古之遺道
觀畱紫蓮慈湖一老易理宏詮觥觥疏寮三略允傳夢
窗詞客風致纏綿伯厚東發篤老簡編二程媲美朱學
拳拳剡源色澤文筆如椽偶翁強項記曰管天鄞山交
廣春酒陶然杲堂文匠清思湧泉季野餘緒石經精研
謝山樸學漢地是箋樗庵東井薪火綿延無鐙香炷餘

四明叢書第三集後序

一四明叢書
約園刊本

山殿焉可謂旁搜遠紹提要鉤玄矣雖然仲翔之言英
英崑玉朱育好奇亦見典錄孝子連閭忠臣接躅下及
賢女昭然光燭既聞其人意何不屬豈以文湮斷簡難
續抑闕蒐羅而形褊促請言其詳慰我衷曲主人曰朱
溫篔唐亂我綱紀有孫拾遺獨書甲子雪窗不阿著在
宋史小隱弁山粹然之士烈烈清溪無愧生死詩詠仕
丹懼混朱紫對簿干言義之與比泣血琅江文山可擬
息賢堂空不爲擒恥散盡黃金結社於里一笑蔽薇青
猿洞裏非常之行自負爾爾一臂一肩睢陽之齒先平

陰鳴有萇弘俟憑弔謝王堪與鼎峙交雪梅梨畱茲芳
趾史傳海東軼其姓氏偶宋忠義石園奮起猛虎一歌
曠野非兜鯁直性成躬遭其否見父遺書聲淚曷已憫
予小子今云老矣啓後承先維我祖妣節義之鄉連軫
繼軌二集方終聊以述美客曰表彰忠烈謝山多聞決
洪湖語揚厥芬芳淳熙慶曆卓爾不羣枕經菲史百家
流分子其告我以廣人文主人曰經者常也史者事也
孔作春秋定爲中制息齋釋之竊取程意太傅講書傷
平無志攻媿景范編年論記文元說詩無邪之誼更輯
聖言茫茫尋墜折獄哀矜棠陰畱賜布政按時違天憂
惴六府穀終治崇水利見道中庸蒙齋獨粹舒六藝風
豈曰不試春草文章歸氏齊轡志修南山簡而咸備推
闡性天海涵萬類董氏易餘經旨羣萃尊道重儒稽合
同異志非家乘不顧世忌卓哉介園水道是誌學貴致
用吾鄉之懿客曰謹聞命矣大哉紳談我欲知十今已
得三垂藻絡繹未越香舍加以時日而勤討探庶使鄉
獻勿飽於蟬主人曰唯受命增慙勉策駑馬未敢停驂
四集肇始請錫指南月計歲會聚米盈甌僕雖不敏願

畢荷擔民國二十四年六月張壽鏞

國明叢書 第三集後序

二 國明叢書
約園刊本

四明叢書

四明叢書
約園刊本

四明叢書

四明叢書
約園刊本